



UNIVERSITÄTS-
BIBLIOTHEK
PADERBORN

Universitätsbibliothek Paderborn

Vita Beati P. Philippi Nerii Florentini. Congregationis Oratorii Fvndatoris

Gallonio, Antonio

Mogvntiæ, 1602

Reverendissimo In Christo Patri, Amplissimoqve Præsvli Ac Domino, Dn.
Georgio, Abbati Weingartensi Imperij, Prælato, de Ecclesia & Repub.
optimè merito, &c. Domino atque Patrono suo gratiosissimo & ...

urn:nbn:de:hbz:466:1-43172



REVERENDISSI-
MO IN CHRISTO PATRI,
AMPLISSIMOQUE PRÆSVLI AC
DOMINO, DN. GEORGIO, ABBATI WEINGAR-
tensi Imperij, Prælato, de Ecclesia & Repub. optimè me-
rito, &c. Domino atque Patrono suo gratiosissi-
mo & obseruandissimo.

Gratiam & salutem in vero salutari nostro.

Sacro sanctæ Mater, Ecclesia, RE-
VERENDISSIME in Christo
PATER, Amplissime PRÆSVL,
ac Domine Dom. Obseruandissime,
vitæ sanctimonia, & miraculorum operatione,
præ innumeris aliis virtutum ornamentis & in-
signiis illustrata & condecorata instar splendidis-
simis summi cæli luminaribus in primis refulget
& perpetuò coruscat: His iisdem florens à primor-
diis nascentis ætatis incæpit, his successu temporis
undiquè creuit, his progressum fecit & in toto
terrarum orbe sese extendit, his inter grauissi-

Præfatio.

mas persecutionū procellas, & tribulationum tē-
pestates suffulta semper illasa permansit, his con-
trā omnia Dæmonum tentamenta, contrā ha-
reticorum technas, schismaticorumque impostu-
ras excellenter triumphauit, & triumphabit
vsque in sempiternum: Eam ob causam equidem
obstupescunt Dæmones, mirantur heretici, fre-
munt illorum quotquot sunt aduersarij, quod
Præpotentissimus Deus, postpositis illorum cun-
ctis conatibus & nugis, soli suæ Catholicæ & Ro-
mana Ecclesiæ adeo præstauerit, & huius alu-
mnis solis vitæ sanctitatem & miraculorum ope-
rationem contulerit, nec taliter (ut cum Psalte
loquar) omni alij nationi fecerit, neq; iudicia sua
manifestauerit, neque quemque illorum, vel uni-
ca hac virtutum excellentia insigniuit, sed perpe-
tuis ignominias affecit. At dicant alij, in primi-
ua quidem Ecclesia multi & sanctitate vitæ &
miraculorum ostensione claruerunt insignes ho-
mines, verum nostro seculo vix unum eiusmodi
virtutibus à Deo donatum reperies? Esto unum
ex multis multarum nationum omisissis, in Thea-
tro quasi omnibus spectandum, proferam, qui
& summa vitæ sanctimonia, & miraculorum
operatione clarus, neque minor aliis viris sanctis

ad R. Præf VVeingartenf.

in primitiua Ecclesia retro tot feculis præteritis
viuentibus habendus fit : Is ipse fuit Beatus P.
Philippus Nerijs Florentinus, primus Congre-
gationis Oratorij Fundator, qui tot Illustres He-
roas, tot indefessos Ecclesie & Religionis Catho-
licæ propugnatores, tot magnarum rerum scripto-
res educavit & spiritualis Pater de se genuit, in-
ter quos Illustrissimus Cardinalis Cæsar Baronius
Apostolicus Bibliothecarius, acutissimus Annaliũ
Ecclesiasticorum scriptor & Thomas Bozius
Eugubinus, auctor insignium librorũ, quos de si-
gnis Ecclesie inscripsit, ceu magna duo lumina
mundi fulgent & splendorem suarum virtutum
in uniuersum orbem diffundunt : Migravit au-
tem hic B. P. Philippus Nerijs ex hac misera la-
chrimarum valle anno salutis 1595. octauo Kalen-
das Iunias, quæ dies sacra erat Corporis Christo
solemnitate celebris, circa horam sextam, cuius
vita Beata, acta sublimia, & miracula diuinitus
ab ipso ostensa in isto continentur, describuntur
& recensentur libello.

Cum itaque Reuerendissime in Christo Pater,
Amplissime PRÆSVL ac Domine Domine
Observandissime, Magno illo & Seculari sancti
Iubilæi anno nimirum Millesimo Sexcentesimo

Præfatio.

celebrati, ego singulari pietate & animi deuotione motus ob causam Sacrosancta Limina SS. Apostolorum Petri & Pauli humiliter osculandi, sanctas portas flexis genibus perambulandi, Ecclesias Augustissimas pie visitandi, miracula & monumenta obstupenda sanctorum submissè venerandi, altaria & loca priuilegiata religiose tangendi, scalas sanctas geniculatim ascendendi, Sanctissimum D. N. CLEMENTEM VIII. Pontificem Max. salutandi, Gloriosissimum Illustrissimorum Cardinalium catum videndi, & de gratiarum Thesauro atque indulgentiarum plenitudine paululum aliquid consequendi &c. ROMAM per Dei gratiam feliciter me contulisset; inter tot alia sublimia miracula in Vrbe ostensa certior etiam factus de miraculis & illustribus actis prædicti Beati Patris Philippi Nerij, qua in speciali libello conscripta haberentur: siquidem autem tunc temporis libellus idem sub prælo, sed nondum typis absolutus esset, rogavi amicum quendam, ut eo impresso ad me Exemplare unum illius editionis destinaret, quod is pro sua præclara humilitate qua pollet in se lubè s recepit: Transmisit ergo non ita pridem mihi unum Exemplar Romæ impressum, potest atq; consensu auctoris & Congrega-

grega-

ad R. Præf. VVeingartenf.

gregationis eiusdem Oratorij fecit, ut in Germania pro Germanis quoque recudi curarem quod etiam officiosè expediui, atque in hac parua forma ut instar Enchiridij esset eūdem libellum deuotis germanis libenter communicauī.

Quod autem Reuerendissime in Christo PATER, Amplissime præsul ac Domine Dn. obseruandissime hanc nouam editionem de vita B. P. Nerij, Reuerendis. D. V. inscripserim, consecrārim & dedicārim, & sub clarissimo eiusdem R. Dom. V. nomine denuo emisserim, ex multis unā & alteram causam recensebo: Prima fuit, ut Beatus hic P. Philippus Nerus, cuius vita in isto libello conscripta continetur, locum aliquem haberet in amplissima Bibliotheca Monasterij VVeingartensis vigili studio, indefessa industria & immensis sumptibus à Reuerendiss. D. V. erecta, & locupletata, quæ adhuc indies ab eadem nouis omnium Patrum & Scriptorum exemplaribus, amplificatur & augmentatur, ad quam fusius ornandam ego hætenus iam ab aliquot annis ex Nundinis Francofordensibus iussu Reuerendiss. Dom. V. optimos quosuis tum græcos tum latinos Auctores quotquot haberi potuerint, perferri ad inclytum Monasterium VVeingartense

) (4

curauī,

Præfatio.

curavi; Crediderim ita ego indubitanter Bibliothecam VVeingartensem præcipuis & instructissimis Germania & Italia Principum Bibliothecis conferri posse.

Altera causa huius nouæ editionis est, quia sancta vita, mores & miracula tanti Beati viri P. Philippi Neri, tantum Imperij Prælatum inculpata vita, sanctis moribus, cunctisque omnium virtutum generibus ornatum & conspicuum merito deceant.

Postrema causa, quandoquidem Reuerendissima Dom. V. aliquoties dignata fuerit: me licet indignum seruitorem suis expolitissimis litteris paternè inuiserit & recrearit, inque suum fauorem adoptauerit, ut sit hac eadem euidentis grati animi & submissionis meæ signum, & testimonium cui perpetuo inseruire summæ laudis mihi duco.

Accipiat igitur Reuerendissima Dom. V. beneuolò animo hanc nouam in hac noua forma editionem, Beati Patris Ph. Neri Vita, sanctimonia & miraculorum, iam primum in Germania visam, in suum excelsum patrocinium, eandemq; à canino morsu Zoilorum & inuidorum latrantium rabie defendat & tueatur, meque humi-

lem

ad Reuerend. Præf. V Veing.

lem suum seruitorem perpetuò sibi commenda-
tum habeat; Deus ter Opt. Max. Reuerendiss.
D. V. cum toto suo illustri Conuertu & spiritali
familia diuinitè & felicissimè incolumem con-
seruet, & ab omni malo protegat, ad multos an-
nos, ad multos iugiter annos. Datum Franco-
furti ex adibus Parochialibus in festo S. Georgij
Anno salutis nostræ. 1602.

Reuerendiss. D. V.

humilis seruitor

Valentinus Leuchtius S. Th. D. Ec-
clesiastes S. Barthol. ibidem.

) (5

ILLV-